

Anlies

Tekstdichter **Edwin Peelen**

Toeëndichter **Theo Nijland**

Oetveurend arties **45elf**

Arrangement **Joep Servais**

Ópnametechniek **Marlstone Music**

[koeplet ee]

't Anlies is bepaalt nit sjun. Dem lupste gauw vuurbei.
Wie sjoenheid woeëd verdilt, sjtóng 't es letste in de rei.
Ich zieën 'm dekser goa en dink da: "Ach, wat bin ich vroeë,
dat ich 't gódzijndank noeëts mit 't Anlies hoof te doeë."

[koeplet twee]

Mie leëve zit vol teëgesjlaag, vöal ieëlend en verdreet.
't Geet nit uëver roeëze en ich dón mich richtig leed.
Mar zit ich wer ins an g'n eëd, da zaan ich ummer zoëë:
"Alles beëter es 't mit 't Anlies mótte doeë."

[koeplet drei]

Ich bin zoëë deks verleeft geweë, mar ummer geet 't mis.
Ing tweeëde afsjproak gieët 't noeëts. Ich weet nit wat 't is.
En hat mich da zoëë meëdje wer ins eezaam loate sjtoa,
da meen ich: "Good dat ich 't nog ummer nit mit 't Anlies han gedoa."

[tusjesjtuk]

Lever noa 't kloëster went 't gaar nit angesj geet,
es dat 't Anlies in peignoir gewillig vuur mich sjteet.
Lever ópgesjloate, es ónnuëzel oetgemakt,
es dat 't naksje Anlies in mieng lakes zich verpakt.
Lever mit die zeekproem oet mieng sjtroat, va nómmen zes,
es dat mich gans mie libido durch 't Anlies weëd verpes.
Lever loop ich moande lank,
mit slingersjiet of kotsekrank.
Gans verloate óp de welt, egaal wie lang en woeë...
Went ich 't besjlis mar noeëts mit 't Anlies hoof te doeë!

[koeplet veer]

En ligk ich óp mie sjerfbed mit mieng leefste um mich hin.
Ich veul 't doert nit lang bis ich mieng letste rees begin.
Pastoer hat mich bedeend en knikt: "Doe maags noe ruiig goa."
Da dink ich: "Good dat ich 't tóch noeëts mit 't Anlies han gedoa."

[koeplet vijf]

Mar sjtón ich bei de hieëmpaot. Doa weët óp mich gewach.
't Anlies sjteet mit oape erm. Ich how 't waal gedach.
D'r Pieëtrus kiek mich aa en zeët: "Doe maags noa binne goa...,
mar nit vuurdat-ste 't ieësj ing kieër..."